

野史蒙略

冊數	記號	番號	部類	中學校藏書	沼瀨縣尋常
七	一		史		

Z10
91
Vol 1

珮弦青山先生著

野史芻叅略

水府

鐵槍齋活版

滋有學堂中
學禮藏書印

序

恭惟我國家起自參河。英賢相承。積德累仁。基業鞏固。久而愈盛。臣聞根深則其葉茂。源遠則其流洪。德厚則其後大。是必然之理也。故鎌倉以來。區宇雍熙。民物敦寧。未有如我國家之隆者也。夫源石大。將雖初。霸業父子三世。纔保三十年。而大權已去。如藤原賴經。賴嗣。有霸主之名。而無其實。足利尊氏。舉兵犯闕。擁立北主。然終其身。東西奔命。未嘗能一日安席。至其孫義滿。南北講和。始致統一之業。然未百年。有應仁之亂。天下瓜分。群雄割據。為戰國之世。又百餘

德累仁基業鞏
源遠則其流洪
德厚則其後大

年而織田氏興。中道而殞。豐臣氏繼之。剗削群豪。幾致少康。無何出兵海外。身在行間。民終不被其澤。臣歷觀前代霸府。蓋其大較不過如此矣。我一烈祖東照公。天縱勇智。文武兼資。上承祖考之遺烈。下因織豐二家之故業。經營彌綸。規模宏遠。關原一捷。終拓大業。樹萬世無疆之基。於戲盛哉。其後賢主相繼。其德克類。惠澤被天下二百五十年於今。雖烈祖燕翼貽謀之使然。亦未嘗不由繼體守文之主。維持扶翼之功。洪惟台德公。恭儉守成。夙夜虔共。為政清靜。休養元元。與天下更始。大猷公剛明果斷。纂脩

基業。號令一新。雄藩巨鎮。欽祗聽命。嚴有公共。默無為。委任良輔。以責其成。常憲公自藩服出膺大命。振乾斷。肅政刑。尚文學。闡儒教。文昭公繼之。勤勞庶政。將制作禮法。恢弘先業。不幸享國日淺。有章公幼冲捐世。有德公自紀藩入繼。大統夙興夕惕。明發不寐。守祖宗成憲。建後嗣無窮之基。實為我德川氏中興之良主。嗚呼我國家之盛。愈久而愈昌者如此。固非前代霸府之所企及。雖古昔王家之盛。殆無以尚焉。雖然未聞有紀述之者。溢井孝德嘗撰國史。文辭質陋。未足稱揚國家之盛。先臣

安積覺受命撰烈祖成績。近者中井積善撰逸史。於是烈祖創始經營之烈。詳載不遺。可謂無遺憾矣。元和以降。則未聞有成書。先人常有意於編纂。輯史料若干卷。掇其精粹。撰明徵錄十卷。至司馬遷之體。則未暇及之。於是伯兄倣成績之體。編集一書。上起台德公元和二年。下迄有章公享保元年。凡一百年間。五公之經營勤勞。文物典章之盛。政令教化之施。民物之蕃庶。風俗之淳厚。藩國之興亡。人臣之能否。下及忠臣義士。異能材藝之士。無不紀述。凡七萬餘言。命曰野史纂略。叙事典雅。繁簡得當。比之安

積氏之撰。有加無不及。紀述不及。有德公者。何蓋有續編之舉也。異日編纂國史者。必有所採掇。臣聞治不生於治。而生於亂。亂不生於亂。而生於治。後之參樞機者。覽此編。知持盈守文之不易。能遵奉一祖六公之志。以輔佐明主。施調燮之化。則國家悠久之基。而天下蒼生皆受其賜。豈徒微臣之所願哉。嗚呼。可忽諸。臣延壽謹序。

野史纂略
卷之六
...

野史纂略

徵引書目

武德編年集成

元和小說

寬永小說

寬明日記

正慶義明記

東武實錄

駿河土產

落穂集

藩翰譜

源流綜貫

常山紀談

兩夜燈

碎玉話

關原大全

故諺記

老談一言記

老人覺書

翁物語

憲廟實錄

武家間談

清正記

憲能須佐美

敬公行狀

南龍公言行錄

義公遺事

義公行實

常山文集

土津靈神言行錄

里史纂略
卷一
烈公遺事言行錄

武林傳

外國通信事略

采覽異言

國書復號紀事

長崎夜話草

崎陽雜記

瓊浦通

華夷變態

五事略

歸厚錄

仰景錄

酒井忠勝年譜

有斐錄

好人錄

明良洪範

武野燭談

天正記

謙亭筆記

深祕筐底錄

邪蘇征代記

嶋原記

玉滴隱見

鈴錄

盍簪錄

鳩巢小說

駿臺雜話

淺川聞書

花押藪

奥羽道記

仙臺公事記

國史館日錄

南塾乘

澁井氏國史

雜話筆記

鳳岡集

澹泊集

白石詩草

南郭集

石川丈山墓誌

奧平傳藏紀事

梶定良碑

義人錄

報讐錄

精義錄

二老略傳

五美談

堀部武庸筆記

竹軒筆記

中村筆記

人見來筆記

折燒柴記

三朝佚事

除邑錄

先達遺事

元正間記

和漢合運

三王外紀

熊澤了介傳

鄭成功傳

四庫全書提要

莽蒼園集

三才圖會

味齋文集

宋王開道

吳郡縣志

新刊雜

三才圖會

世說新語

大長樂集

野史纂略目錄

卷一

台德公

卷二

大猷公

卷三

嚴有公

卷四

常憲公

野史纂略目錄

卷五

文昭公

有章公

卷三

大輝公

卷二

台野公

卷一

野史纂略目錄

野史纂略卷一

水府 青山延光伯卿輯

後水尾天皇元和三年夏六月 大將軍台德公朝

京師。尾張參議駿河參議皆從。水戶少將留守江戶。

十八日 將軍親 天皇。後陽成天皇勅曰

卿既喪父天下孰敢誡卿者。乃父家康生長于戈之

間不違講道。卿治世良將。宜施仁政於四海以建子

孫無窮之基慎勿生侈心以啓厲階。將軍服膺

聖旨尊戴 皇室。終身弗懈云。二十一日尾張駿河

兩參議任權中納言。越前少將忠直左衛門大夫福

嶋正則陸奥守伊達正宗大隅守嶋津家久並任參
議。秋八月朔朝鮮來驛賀將軍平大坂六日
後陽成上皇崩。九月五日將軍還自京師。冬十月
彗星見。十一月二十一日世子徙西城。徙封山城
守土岐實義於攝津高槻。始城焉。十二月八日將
軍妹嫁越前守伊達忠宗。是歲改葬東照公於下
野日光山。始營大廟。徙封左門戶田氏鐵於攝津尼
崎隱岐守松平定勝於伊勢桑名。左近將監松平成
重於參河西尾帶刀安藤直次於遠江掛川丹波守
松平康永於信濃松代淡路守脇坂安元於信濃飯

田丹後守西尾忠永於常陸土浦。縫殿介本多康俊
於近江膳所。池田光政於因幡伯耆。豐前守龜井政
矩於石見津和野。備中守池田長幸於備後松山。左
近大夫加藤貞泰於伊豫。慶長中東照公以近江
大津城地非衝要。課諸藩更城。膳所封戶田一而關
原大捷已後。是為築城之始。至是一西子一鐵。徙封
又命城尼崎大坂之役。信濃守小笠原忠脩戰死。子
長次尚幼。命弟左近將監忠真攝國事。至是忠真固
辭。將軍嘉之。始城播磨明石。封忠真食十萬石。
四年春正月七日將軍放鷹葛西。三月六日以周

防守村上義明家臣爭訟流義明於丹波篠山。沒越後村上九萬五千石。夏四月十七日遣上野介本多正純於日光始脩祭祀。將軍以日光頗遠。建東照公原廟於淺草寺側。是日令諸藩及麾下士往拜。後罹災而廢云。先是流越後少將志輝於伊勢。是月遷之飛驒。五月十日初大坂之滅。天樹夫人逃還。將軍聞出羽守坂崎成政久居京師。納交華族。令為夫人擇婿。成政乃往京師。與一搢紳議昏還報。夫人聞之悲憤欲薙髮。議乃格成政憤恚已而夫人再醮。中務太輔本多忠刻。成政遂聚兵欲奪輿於途。諸藩

皆徵兵警備。所在騷然。將軍屢遣使諭成政。成政曰。請必誅臣。否則臣必奪輿矣。執政相議致書成政。老臣曰。汝主怨望不為無謂。然舉措狂悖。失君臣之禮。由此嬰大戮。將軍深憫之。卿等能諭之自殺。則令同族襲封。以慰其怨。本多正純駁曰。成政果死。存其祀乎。曰。叛人之家。奈何存其祀。正純曰。成政不臣。我將誅之。又教其臣以不臣。非所以示天下也。且國家一失信於天下。何以為政。不若發兵翦誅。以示大戮。烏有設詐廢信。以亂天下之風。然衆議已決。正純乃獨不署名。是日遣左衛門尉酒井家次丹後守

堀直寄等圍其第。成政老臣偵成政晝寢，以眉尖刀斷其頭，詐言自殺。將軍聞而大怒，誅老臣，沒石見濱田二萬石。六月三日，加賀守鍋嶋直茂卒，年八十。三子信濃守勝茂嗣。秋七月，長門守關一政坐家臣爭訟，沒伯耆黑板五萬石，賜五千石於養子氏盛。冬十一月六日，將軍狩於板橋。十二月六日，徙封讚岐守酒井忠勝於武藏深谷。丹後守堀直寄於越後村上。

五年春正月十日，定新令八條。是月，徙封宮內太輔酒井忠勝於信濃松本。伊豫守松平忠昌於越後高

田安房守松平信吉於丹波篠山。大隅守松平重勝於遠江橫須賀。左近大夫高力忠房於濱松。夏五月八日，將軍朝京師。六月，遣使江戶。流安藝參議福島正則於津輕。沒安藝備後四斗九萬八千石。正則驍猛嗜殺，關原之捷，恃功甚驕。家臣與伊奈圖書構難，正則逼圖書自殺。上下惡之。然東照公以其有殊功，封之安藝備後。或謂井伊直政曰：彼驚蹇茂上，何為封之大國？直政曰：彼有大功於天下，不得無厚賞。且人孰無過，彼果感恩，安知其不生畏慎之心哉？已而正則不悛。及就國，舟中問水手曰：今日之風為

何對曰。是為地荒。正則怒曰。吾始就國。何乃出不祥之言。即手刃之。備後人善織席。正則獻之幕府。鄰國亦獻席。尤為精緻。正則聞之。怒召商人。挺槍縱殺之。橫虐日甚。國人往往畏誅自殺。又擅增築廣嶋城。至是將軍將流之。與和泉守藤堂高虎上野介本多正純美濃守本多忠政雅樂頭酒井忠世大炊頭土井利勝對馬守安藤重信伊賀守板倉勝重等議於京師。數日不決。勝重曰。井伊直孝雖年少。智計絕人。宜諮訪焉。乃召而問之。直孝曰。諸臣既議之。臣豈有他策乎。將軍曰。試言卿意。直孝曰。今召正則於

京讓其罪曰。欲分疏則速白之。欲還國訴陳則吾當遣卿。此一策也。不則遣使江戶傳命。彼若方命則令留守諸將翦滅之耳。高虎曰。直孝年少不知戰鬥。精兵據第宅拒戰。是為巷鬪。不易遷克也。直孝曰。近古巷鬪。唯聞駿河飯尾氏之事耳。卿亦未必知也。議不決而罷。明日將軍召直孝曰。卿言正合吾意。吾意決矣。乃遣駿河守牧野忠成志摩守花房正成於江戶。使久世廣宣坂部廣勝等副之。忠成等至江戶。使廣宣廣勝帥衆登愛宕山。業銃臨。正則第乃往見。正則傳命。正則曰。使東照公尚在。正則將有所言。今

將何言。唯當奉命耳。聞者惻然。將軍遣安藤重信及右近大夫永井直勝於安藝。諭正則群臣去國。左馬介加藤嘉明美作守森忠政阿波守蜂須賀至鎮宮內少輔池田忠雄讚岐守生駒正俊土佐守山內忠義及本多忠政帥兵收城邑。正則老臣遣使請曰。寡君獲罪奪封。臣等豈敢拒命。然臣等受命寡君。以守此城。不待君命而輸城於人。非人臣之義也。願獲寡君手書然後去。諸將然之。遣使告正則。正則手書論老臣。老臣納城邑而去。是夏彗星見東北。秋七月三日。將軍聞正則奉命憫之。以津輕遠境遷之。信

濃川中嶋給七萬石。十三日京師所司代板倉勝重致仕。子周防守重宗為所司代。初勝重以年老辭職。將軍問曰。孰代卿。勝重曰。群臣固不乏人。何必問臣。必欲使臣薦之。臣子重宗可也。將軍乃以重宗補之。重宗固辭。將軍曰。卿父薦卿。卿何得辭之。重宗不奉命而退。執政以重宗與安藤直次善。令直次諭之。直次過重宗。重宗曉其意。然直次竟不語及其事。將還。重宗曰。將軍命僕代父。君聞之乎。直次曰。吾固知子之不勝任也。重宗曰。君亦以為不可乎。直次曰。子非無才。但失之怯。重宗驚問。直次曰。父薦之。

君命之。奈何辭之。但速就職。萬一有過。剗腹以謝耳。
子乃遂巡畏避。非怯而何。重宗然之。乃受命。是月兵
庫頭嶋津義弘卒。八月朔。先是日向盜魁那須彈正
據推葉山作亂。將軍遣大久保四郎左衛門阿部
四郎五郎討之。是日擊平之。斬百四十餘人。四日徙
封日向守水野勝成於備後福山。始城焉。九月十日
徙封駿河中納言於紀伊。但馬守淺野長晟於安藝。
二十日。將軍還自京師。二十七日。肥後守加藤忠
廣家臣加藤右馬允加藤美作交訟。執政會酒井忠
世第聽訟。美作曲抵之罪。冬十月十三日。將軍如

日光。徙封右近大夫永井直勝於常陸笠間。左衛門
佐小笠原政信於下總關宿。美作守奧平忠昌於古
河。對馬守安藤重信於上野高崎。上野介木多正純
於下野宇都宮。伯耆守青山忠俊於武藏岩付。二十
一日。將軍還自日光。十二月十二日。定新令十二
條。始置大坂城代城番。紀伊守內藤信正為城代。大
番頭豐前守松平勝政。石見守松平康安為城番。是
歲。徙封大膳大夫古田重治於石見濱田。下總守松
平清匡於大和郡山。周防守松平康重於和泉岸和
田。紀伊守松平家信於攝津高槻。越中守松平定綱

於遠江掛川大和守小出吉英於但馬出石信濃守
小出吉親於丹波園部帶刀安藤直次於紀伊田邊
土佐守鳥居成次為甲斐國主忠長傳成次元忠第
二子也忠長頗驕暴成次憂之規諫備至

六年春正月五日世子叙正三位十一日任權大
納言是月修大坂城二月二十六日阿波守蜂須賀
至鎮卒子忠英嗣三月四日京師大火出羽國主最
上義俊家臣相訟將軍遣使案驗十五日奉祭田
三千石於久能山東照公廟十七日下總守市橋
長勝卒無子臨終請立養子三四郎家臣請曰三四

郎異姓也願使甥長政襲封將軍曰家臣重氏族
其言固是然長勝之請亦不可負也乃以長政為嗣
徒封之近江仁正寺又召三四郎賜三千石夏四月
二十四日命讚岐守酒井忠勝輔世子初將軍
命雅樂頭酒井忠世大炊頭上井利勝伯耆守青山
忠俊輔世子忠世每侍世子正色寡言風采凜
然一日見泥金藥撞問之世子曰此堀田正盛所
獻也忠世曰崇儉戒奢東照公之遺訓也今正盛
無狀一至此乎乃取而碎之世子或有過舉忠俊
必諫諫而不聽必脫腰刀袒裼而前曰請斬臣而用

臣言二人退。利勝執觴獻。世子曰：令二人在坐，將何以為驩，願罍一觴。世子色解。利勝輒進曰：忠俊言是也，請幸用之。否則忠世亦將入諫矣。世子常從其言。至是，將軍命利勝更擇輔臣。利勝薦忠勝。因有是命。是月始造五層殿，守於城中，備後守水野分長為水戶老臣，徙封右馬頭。牧野忠成於越後長岡。初，關原之役，忠成從將軍而上，路經上田城，城兵遮擊，忠成帥眾苦戰破之。將薄城，將軍馳使止之。本多正信令忠成殺其兵犯法先驅者一人。忠成曰：彼為我冒死，奈何殺之？乃以其兵逃亡。父康成坐

獲罪，及世子生，遇赦而還。六月十四日，召諸侯於城中，觀散樂。十八日，將軍女和子入內，是為東福門院。實生。明正天皇。秋七月大水。八月八日，筑後國主田中忠政卒，無子。没筑後三十二萬石。十二日，丹後國主京極高知卒。子高廣嗣。初，高知封丹後，毀田邊城，城宮津。至是，遺言割田邊三萬石，授第三子高三峯山一萬石，授養子高通。二十一日，水戶少將叙正四位，任參議，兼左近衛權中將。二十二日，甲斐國主忠長叙從三位，任參議。是月，以伊勢長嶋大水，賜金三千兩於城主菅沼定芳，賑贍其民。是月，徙

封左近將監立花宗茂於筑後柳川。食十萬八千石。任飛驒守。初關原之役。宗茂屬大坂。坐沒柳川。其後將軍召之。欲封以三萬石。東照公曰。彼宿將也。不必論采地大小。授之一城足矣。將軍乃封之。陸奥棚倉二萬石。恒親近左右。所謂語衆十二人之一也。至是復舊邑。冬十一月。將軍狩於忍。是歲徙封備中守阿部正次於相模小田原。織部正管沼定芳於近江膳所。下總守本多利次於參河西尾。七年春正月二十四日。尾張邸火。延燒伊達上杉毛利嶋津鍋嶋諸氏第。是月豐前參議細川忠興致仕。

子忠利嗣。二月二日。令曰。村里之民私爭山澤。至用鳥銃者。一鄉悉誅。又曰。築河堤。許役所在。百姓三月七日。大風雨。海船多壞。十四日。徙封內膳正岡部長盛於丹波福智山。左近將監松平成重於丹波龜山。玄蕃頭有馬豐氏於筑後久留米。秋八月。暹羅來聘。先是伊勢人山田長政乘海船至暹羅。遇其國亂。累建戰功。遂被寵擢。主管國事。因說國主通聘云。冬十一月三日。將軍放鷹東金。是歲徙封丹後守松平重忠於出羽上山。卧亞來聘。卧亞屬波爾杜瓦爾。故時人呼波爾杜瓦爾曰南蠻。

里史纂明 卷一
八年春二月定錢價。以四千直金一兩。犯者當罰金。夏四月十二日。如日光。及還宿宇都宮。或告城主本多正純謀不軌。將軍夜潛出城。微行而還。令越中守松平定綱。將軍與上途。故人莫能知。二十一日。還自日光。五月。遷出羽國主。最上義俊於近江。沒五十一萬石。給一萬石。初。義俊祀義光有四子。曰修理大夫義康。駿河守家親。大藏大輔清水義成。右衛門大夫山野邊義忠。義光使家親仕。東照公。公以諸侯子為家人。始此。以故眷遇甚渥。義光年既老。未致仕。義康近臣謂義康曰。主君老矣。而不欲傳國。郎

學禮齋書印
君無乃欲立駿州與。義康信之。頗怨望。或告之。義光義光惡之。父子始有隙。一日。義康遊佛寺。飲酒笑譁。刀挺傷股。或讒之。義光曰。郎君怨望。入佛寺欲自刃。左右奪刀。郎君被創。義光大怒。詈義康曰。汝勿復來。見舉族調諧之。不聽。義光尋赴駿河謁。東照公具以告。公驚曰。父子天性也。何乃怨釁至此。卿善處之。顧卿諸子能幹蠱者誰也。義光以家親對。公頷之。義光還國。使人給義康曰。前將軍命我宥汝。汝速來見。義康喜。至父所。義光不見。命曰。汝且往高野山。待吾報。義康不得已。而發。義光密使戶井半左衛

聖史纂要 卷一
門帥衆要於途發銃殺之。義光驍將里見越後有孫
曰權兵衛與義康善。義光欲殺之。越後憫之。與子兵
部帥士卒五百餘以權兵衛逃。前田利常以三萬石
招之。義光遣使加賀請逐之。越後乃去。上野介忠輝
祿之。義光又訴之。越後遂往高野山薙髮。義光遣人
給曰。汝既為僧。吾當宥汝。汝速還國。至則悉捕而幽
之。義光遂以家親為嗣。臨終遺言曰。吾死七日必族
越後。家親如其言。及籍越後家。獲豐臣秀賴手書曰。
汝誘清水大藏大輔害義光。必有重賞。家親遂殺義
成。其後家親出狩。過家。臣楯岡甲斐燕飲。及還。暴病

卒。子義俊嗣。時人謂甲斐與鮭延越前謀。託遊宴酖
國主。欲擁立山野邊義忠。於是松根備前往江戶。訴
之。將軍命案驗之。竟無證左。乃流備前於筑後。遣
彈正少弼嶋田利止等於出羽。命其老臣九人協心
輔義俊。義忠越前請曰。臣二人今縱奉命。異日必招
讒口。是再擾國家也。請及今日辭職去國。將軍聞
之。以為最上東國衝阨。而義俊穉孺。家臣携離。不足
鎮東陲。遂奪其國。先是東海有一大木。槔漂至金浦。
長十餘丈。土人斧斫開之。中有一長人屍。即婦女也。
無幾。最上氏國除。人以為其兆。秋七月十九日。遣上

野介本多正純左京亮鳥井忠政右近大夫永井直
勝宮內大輔酒井忠勝左馬助內藤政長前加賀守
丹羽長重於出羽最上收山形城。八月朔遣使流正
純於出羽由利没宇都宮十五萬石。給二萬石。正純
秉權柄二十餘年。恃勢驕傲。東照公嘗以步卒百
人屬正純。正純擅修城。令步卒助役。步卒辭之。正純
大怒。一日悉斬百人。同坎瘞之。聞者惡其橫恣。由此
浮言沸騰。遂失國。先是安藤直次嘗語人曰。正純必
滅。無何正純累增封邑。人咎直次失言。直次笑曰。吾
言不謬。彼敗亡已兆。既而正純果滅。人問直次曰。子

曰。子何以知之。直次曰。關原之役。將軍後期。東
照公不憚。正純進曰。罪在臣父。願賜之死。以明。世
子無罪。此悖逆之言也。而正純自以為忠。頗有驕色。
不滅何待。聞者歎服。二十一日。世子放鷹河越。是
月徒封鳥居忠政於山形。酒井忠勝於莊內。內藤政
長於陸奥岩城。丹羽長重於棚倉。永井直勝於下總
古河。美作守與平忠昌於下野。宇都宮。右京大夫戶
澤政盛於出羽新莊。初。東照公以忠政父元忠死
節。善遇忠政。大坂之役。命留關東。統制宇都宮會津
諸軍。至是封之山形。以鎮奧羽。忠勝政盛皆忠政親

族故皆封之出羽。以備應援。姬路從侍本多忠政卒。子忠刻先卒。次子政朝嗣。十一月二日先是將軍修木城。遷居西城。世子遷本多忠政第。至是本城成。將軍還本城。十九日世子始擐甲。令左馬助加藤嘉明助其儀。先是嘉明受命還家。謂子明成曰。大將始擐甲。其儀重矣。今耆宿不為無人。而幕府命之我。其恩厚矣。汝善體吾意。終身無貳。則吾將奉命。不然吾固辭之。明成曰。敢不奉教。即作誓書進之。嘉明乃奉命。初東照公之薨。遺言曰。嘉明參河之產。自太閤時。輸款於我。其人亦謹慤。宜善遇之。但性

頗褊狹。動輒觖望。以此為意。將軍曰。彼器小必無異圖。公曰不然。善謳者使人舞蹈。名將為衆所服。雖無異圖。衆且推戴之。勿以器小侮之。故將軍禮遇嘉明。嘉明亦感恩眷警戒子孫云。十二月八日。天皇遣使賀本城落成。是歲徙封伊豆守真田信幸於信濃松代。兵部少輔仙石忠政於上田。采女正淺野長重於常陸笠間。大膳亮松平忠重於上總佐貫。九年春正月十三日。將軍臨尾張邸。觀散樂。是月將軍聞越前參議忠直昏暴日甚。遣弟伊豫守忠昌及越前老臣本多成重往諷諫之。三月十五日。世

子兼右近衛大將。二十日米澤中納言上杉景勝薨。年六十九。子定勝嗣。夏四月二日出雲守西尾嘉教卒。無子。沒美濃。曾根三萬石。五月五日流參議忠直於豐後。沒越前六十七萬石。初中納言秀康好士。多歸之。國用常乏。屢請幕府借金穀。及薨。國用益窮。大坂之役。群臣奮勵。欲建戰功。以闢封疆。繇此功。寇諸將。而賞不過茶器。群臣憤邑。往往謝病。忠直積不能平。常謂吾父於將軍為兄。而僅食一國。我又。有戰功。賞何薄也。自東照公薨。沈酣酒色。無所顧。憚參府期至而不發。老臣固諫。乃發。途臂鷹遊獵。經。

日不進。或稱病還國。左右忤意。輒手刃之。嘗聞老臣永見右衛門母美召之。永見父即殉秀康者也。母固辭。忠直大怒。欲誅之。永見族人咸聚其家。為守戰備。老臣本多丹波單身往訪。衆勸永見殺之。永見曰。吾當因此人訴寃。丹波從容慰諭而還。永見兵稍懈。適逢除日。衆散去。丹波等乘虛急攻之。悉屠其家。時諸國既定。獨越前屢用兵。殺戮甚多。然將軍不忍加罪。欲其自悛。而暴惡日聞。遂命府內城主竹中重次。錮之。款原給五千石。忠直薙髮稱一伯。八日將軍朝京師。秋七月十三日。世子朝京師。將軍請傳。

閻職於世子二十七日。天皇以權大納言家光為征夷大將軍，叙正二位，任內大臣，參議，忠長任權中納言。八月，將軍奉前將軍還自京師。是月筑前守黑田長政卒，年五十六。子忠之嗣。關原之役，長政戰功最大，然深自抑損，毫無驕色。小瀨甫菴著太閤記，諸將多錄戰功付之。長政老臣請之。長政長政曰：武夫戰鬥，非為名也。今天下既平，將韜閔是務，何敢誇耀。聞者歎美。九月十日，遣使出羽，奪本多正純邑二萬石，給千石。是月，前將軍傳本城於將軍，將軍徙居西城。冬十月十三日，焚殺耶蘇徒於芝。十九

日，流伯耆守青山忠俊於相模，沒武藏巖付五萬石。將軍好觀歌舞，自為治容，每理髮以雙鏡自照。忠俊適見之，乃進取鏡投地曰：此豈人君之所宜為乎。將軍大怒，抵之罪。是後，將軍悔悟，欲召之。忠俊辭曰：將軍幸納臣言，何以臣為。臣而再出，是彰將軍之過也。遂屏居終身。十二月二日，始置小十人番頭四員。是歲，徙封備中守阿部正次於武藏岩付，越後守三宅康信於伊勢龜山石見守松下重綱於下野烏山。先是烏山城主成田氏範卒，無子，國除。至是賜重綱。

雜錄

卷一

聖皇山夫異區山嶽是成田內駿幸馬平際御至矣
 對守三子奉計於野原藤山不與平林不重繼命下
 瓶四員長歲對使計中平阿將山如無左無計計以
 軍之御由蓋無其終與十二日二日就軍中十人委
 白三熱軍幸臨山有所以蓋無其終與十二日二日就軍中十人委
 計軍大勝越之罪其對三熱軍御將高台之其對編
 匪其多不野原藤山如無左無計計以
 許軍以應御幸自其對三熱軍御將高台之其對編
 且御御善守香山出對其御將高台之其對編

面

七

册

一

册